




Ekiri Nalw'eka ingaghenda omw'akibugha

 Lesley Koyi, Ursula Nafula

 Brian Wambi

 Amos Mubunga Kambere

 3

 Olukonjo



Ah'ebbasi yikimana omwakyalo kyethu hakusulha abandu haima n'esya'bbasi esihekire abandu banene erirenga ekipimo. Ahisi okwakithaka naho hanuswire ebindu. Abalebesya bakabirikira n'erithulha ah'esya'bbasi sikaghenda.



“Kibugha! Kibugha! oyukaghenda ebulengera lyuba”
omulebesya akabirikira. Eyo y’ebbasi
eyikendindwalha omw’akibugha.



Ebbasi eyikaghenda omwakibugha yabya iyabiryosulha, kyonga abandu abakinayisoka muyo. Abandi ibanemuhira emighughu yabo yahisi y'ebbasi. Abandi bakasambiraya emighughu yabo okwa ndatha y'ebbasi.



Abalhambayiri abandi bakahamba esya tighiti syabo sy'omwabyalha banemusondia aheryikalha omwabbasi eyiswire. Abaghole abali n'abana balere mubalhangira bathi bakabalembere ndeke, kusangwa olhughendo nilhuli.



Neryo munayihathathania hakuhi neridirisa.
Oyuwabya ikere hakuhi nayi mwahambirirya
okwakyikapa kiwe ekyamatsitsi. Abye ambere
esyakyapali, n'ekabuthe eyikulire kandi
mwalhangirikana ngali mwobuba.



Nabere nawusa ameso weyihya, mwanalhangira
kunamasigha ekyalo kyethu, ahanabuthirawa
nerikulhira, obo ngaghenda omwakibugha.



Eripakira mulyahwa nabulimundu mwikalha omw'abbasi. Abatembeyi aliryo bakabya ibakinayiyiseseraya eriwulia ebindu byabu. Buli mutembeyi akabirikira ebiri okwabeyi ngokwakaghulhaya. Ebindu mubyanzobera bakathabirikira.



Abandi mubaghulha o'kwebyerinywa, abandi mubaghulha okw'abyalya eby'eritakunya. Abo abathabya bawithe sente, ngangye, mubakwama kyathungerera.



Neryo ebbasi muyathera engombe yikamanyisya yithi thwamayahongoka. Neryo abalebesya mubabirikira abatembeyi erilhwamu kusangwa ebbasi yikayahongoka.



Neryo abatembeyi mubasukumana bakarondia enzira yerihulhuka omw'abbasi. Abandi mubasubulya okwasyambulho syabalyaghulha. Abandi mubalengesya erithasyaghulia esyomwiso.



Ebbasi yabere yikatsimbulha munalebererya omwadirisa. Munayibulya indi obo mbwino nganemwesathasasubulha erisuba omwakyalo kyethu.



Olhughendo lhukahika ahakathikathi, neryo omwakathi k'ebbasi mumwahisya. Munaliba ameso ingarondya othulho.



Ebilengekanio byaghe mubyabya ibinemusuba eka.
Munayibulya ibwa iya mama anemwendibya ndeke?
Esyambanya syaghe sinemwendisyaghulha?
Mughalha wethu anemwesyabya akaseserera
emithi yaghe?



Omwanzira munatsuka eribya ingasuba omwalina
ly'ekikaro ekya somulere waghi ikeremu.
Ngakyinalengekanaya, neryo munahambwa
othulho.



Habere hahwa saha mwenda, munabuka ingowa eribirikira lyabalebesya bakabirikira abandu abakaghenda omwa kyalo. Neryo munabakulha esakira yaghe, nerihulhuka omw'abbasi lhubalhuba.




Ebbasi eyikasuba omw'akyalo neryo muyanguha eryosulha. Obo yikayasubayo ewethu, naghi namasighalira erirondekania ahasomulere waghe ikere.





Global Storybooks

globalstorybooks.net

Ekiri Nalw'eka ingaghenda omw'akibugha

 Lesley Koyi, Ursula Nafula

 Brian Wambi

 Amos Mubunga Kambere

